

Гўзал ва қадимий Самарқанд сайқалига саёҳат

“Назарий ва қурилиш механикаси” кафедраси катта ўқитувчиси Э.Тошматов раҳбарлигига жаннатмакон юртимизнинг Самарқанд шаҳрига саёҳат қилишди. Юртимиздаги бой тарих ва маданиятга эга шаҳарлар орасида Самарқанднинг алоҳида ўрни бор. Қадимий ва ҳамиша навқирон Самарқанд шаҳри тарихий обидалари билан ажralиб туради. Институтимиз талабалари Регистон мажмуаси, Гўри Амир мақбараси ва Шохи Зинда мажмуасида бўлиб, машҳур меъморий обидалар билан танишдилар.



Самарқандга ташриф буюрувчи кўплаб сайёҳлар Гўри Амир мақбарасини жаҳонга машҳур ва Ўрта Осиё меъморчилигининг ноёб асари сифатида эътироф этадилар. Шохи Зинда мажмуаси Самарқанднинг жанубий қисмида жойлашган бўлиб, шарқ мусулмонларининг муқаддас зиёратгоҳларидан бири ҳисобланади. Регистон майдонидаги Шердор ва Тилла-Қори мадрасаларининг ноёб бинолари шаҳар гўзаллигига кўрк қўшиш билан ажralиб туради. Бу ва бошқа кўплаб иншоотлар жаҳон меъморчилигининг ноёб дурданалари тарихида муносиб ўрин эгаллайди. Самарқанд заминига қадам босган инсон, аввало, ўзида руҳий тетикликни ҳис этади. Шаҳарнинг мусаффо ҳавоси ва зилол суви эса тасвирлаб бўлmas қувват бағишлайди.



Башарти, бу таърифу тавсифлар шунчаки эмас, балки уларнинг замирида айни ҳақиқат ётибди. Зеро, кўхна Самарқанд не-не авлиёлар, буюк алломалар ва улуғ зотлар абадий қўним топган муқаддас замин ҳисобланади. Тошкент шаҳридан ташриф буюриб, ушбу муқаддас қадамжоларни зиёрат қилиш албатта инсонга тетиклик ва руҳий завқ бағишлайди. Самарқандга қилган сафаримиз талабаларимизда унутилмас таассурот қолдирди.

ТИҚҲММИ матбуот хизмати